

鈍吟集



馮班定遠著

團扇歌

白團扇出自吳女機中練美人映日把看時芙蓉粉光  
生素面憶得邯鄲新嫁娘畫燭亭亭燒鳳凰珠盤翠壓  
車中出瑤琤顫動黃金璫虬漏聲聲五更促猶把團圓  
掩香玉蕭郎欲窺不得窺上絃初見仙人足五侯宅裏  
花沈沈蘭堂宴客良夜深斜開半掩嬌歌斷一串明珠  
不可尋迴撲梁塵四座笑公瑾偏應知此心吾觀紈扇  
愛不已蒲葵烏羽誰能比秦鸞煙霧畫時難莫為秋風



捐篋裏見觀鈇吟

無題一百韻

劍合龍辭匣珠還月在淵才多量計斗笑重價盈千油  
壁煙為幔蘭橈羽作船小屏山匝西匝西紋錦獸騰騫洞戶  
疑探海高談欲隔天客卑堂下坐腰細掌中憐桃實瑤  
池樹靈芝雒水田書遙青鳥急波闊海禽填夕露歡來  
重朝嗽散後鮮鵲歸雲奕奕燕賀羽翾翾此日金堂下  
當年畫閣前昔題尋鮮壁遺跡沒花磚碧玉瓜初破潘  
安璧正聯琴心佯不解棊陣靜爭先咏雪思偏巧懷水  
意未傳待來剛隱映擬出屢遷延繡袂臨風薄羅帷向

曉褰目成波渺渺眉語柳娟娟不省當關阻翻悲夾座坐

懸轉喉歌絳樹攘腕戲重蓮改作態宜傾國深情抵弱

濬川塵生憐去襪苔損認歸軒暮雨常厭浥迴風自轉

旋尋芳時鬱霽逐絮任狂顛小院開魚鑰名花破粉鈿

追遊多勝侶行樂及時妍改作賢渡口橫波急中庭半鏡

全凝愁誰繫滯私約敢輕愆醇酒三年醉餘醒五斗蠲

鳳聲鶯脆竹雁柱軋香絃席軟龍鬚密簾輕玳甲編瑣

盤雙玉繪美食萬金錢柳下應迴駕桑門合罷禪窺窗

香勝買當戶玉過燕誤曲遭頻顧微詞漸滿篇連籌拋

似算百罰飲如泉烏繞還依樹鱗來未忘筌獨眠方忽



忽暗祝已度度下幕吹蘭燼移燈撤綺筵小聲聽屐齒  
纖影過鞦韆柳意嬌難挽荷心小尚奉魂銷花闕路步  
斂草分阡帶綰雙條合環連兩壁改作圓手指攜纖  
若笋肩竝削如鳶促座圍紈綺幽房隔市塵圖形濡綠  
翰密信寄花牋曉恨朱冠早言慚綠鳥嬛飛鴻風綽約  
舞鶴雪踟躕膩理妝華薄柔姿舉止妍臂妝拋玉馬釵  
朵墮金蟬犀點當心透鴛情入骨鑄薄歡寧遽愜消病  
未教痊曼錦宵眠重輕羅曉色穿氲氲薰籠去聲裏點點  
玉牀邊細汗時沾被飢情合珮弦沈憂孤脉脉善謔兩  
便便睡覺寬衫襞醒時墮髻偏交歡真有數分合豈無

緣醉客欣交為神仙戲拍肩有懷恆忽爾無事更潜然  
擘石何辭碎燒金自許堅蠟乾終作淚絲盡未成綿割  
袖空憐董飛丸漫逐媽桂高非易斫蘿弱豈堪纏扇匣  
方捐素求珠未得玄生離常咽切死誓歎笑述事遭病熱憑  
誰慰傷心祇自煎迷魂隨舞蝶淚血憶曉鷓舊愛經投  
李餘芳尚珮荃承莊俄被謫小玉竟成煙虹璧偏遭點  
鸞刀漫污羶年華真逝矣風雨但淒馬山沒鰲逢釣橋  
危柱枉鞭素心勞獨夢新句咏孤眠真手何當識神書  
不易甄改作螭首誰能及蛾眉莫敢先病懷侵玉貌愁嘯滋鸞煙瑣闥  
痕檀點空房委敗毡路窮秦客棹舟謝越人褰絲素惟



悲染膏明只取燃素練良可辨曉笑更難權獻珮遊江  
浦乘車駐嶺顛新知攜架枕夙好認紅鉛銀犢偏轅駕  
翔禽推轂公雁孤三載恨雀去一朝還來往朝雲起存  
亡夜壑遷藥偷歸月窟槎過犯星纏瘦骨輕如故凝脂  
色詎薦澗松常鬱鬱河草劇芊芊自愛壺冰瑩方知玉  
玦捐笑歌宵雜還塵土曉駢闐香重於荀羨形侵鄙仲  
宣酒痕多不浣淚點豈教湔樺燭燒高焰杯觴泛細漣  
衰身蒙粉飾才語極朱研解轉心慚石多瑕美愧瑄暗  
遊羞再問戲伴錯相牽珠履光華屋金鞵鬪錦鞵對人  
虛嫵媚向壁幾潺湲賦格譏元亮風人憶惠連撫衷多

惋抑非是為懷仙

見鈇吟老人集外詩題作次和連玉無題一百韻

### 書情四十韻

上客留金絡佳人降綵軒幾時迷下蔡直是息芝田促  
點催瓊漏光風到錦筵杏梁塵漠漠樺燭淚漣漣雀畫  
金屏合駝鈎紫障寒鳴輦驚小仗文罽襯花磚粉墨新  
妝點靴衫巧結纏鷄衣遭樸重牛口定場先嚶唱添新  
拍繁聲應促絃舞嫌獅子鬧歌賞踏搖便獨許淳于醉  
難容阮籍眠敢矜車從好誰看帽簷偏隱隱臨珠箔紛  
紛隔綺錢如聞求墮珥瞥見整金鈿河閣星還動雲高  
月自懸盡開三里霧高映九枝燃丰額凝嘖淺承觀隱



刻本無肩憐整三韻咽下有纖指圓搓玉豐肌弱勝綿一聯

笑妍鏡清如客鬢圭聳削成肩赤白隨宜傳濃纖劇可  
憐徐言開貝齒慵盼轉鸞咽漢殿珠偏映崑山玉自堅  
纈裁魚子細表表鸛鷄鮮鹿爪生情著犀釵出樣鐫羅  
巾閑不展綬帶巧相穿束得蜂腰促梳成蠶尾卷改作  
怯難持玉笋嬌不踏花壇鼻掩誰能妬衫飄未許牽唇  
分朱點破耳貼壁輪連凝唾花疑染長吁氣勝荃斜柯  
依改作猶阿那立望更遷延賣眼矜新柳論心詠石蓮逆  
愁為蟬竦祗恐化玄蟬明珮新初改作投漢羅衣漫憶燕  
散來衝暮雨歸去隔非煙石闕題難盡蘭膏火自煎書  
成魚杳杳夢到蝶翩翩請珮改作徒揮飄改作忽乘改作

刻本無翻至元十八韻

刻本作劍分 隱語 難辭 三聯接錦段上

風亦渺緜豈宜勞再顧底事待三年昔日輕挑卓當時  
賦感甄羊車窺衛玠金彈逐韓嫣真誥題瓊檢靈文寫  
綵箋步蓮隨鹿女跳脫贈羊權射雉虛張翳求鱗未棄  
荃難辭巫女怒敢乞蔡經鞭紫鳳棲三島驪龍睡九淵  
遠應鄰弱水迴似上中天隱語橫波急幽期卻月圓劍  
分還有數環合豈無緣錦段憑良信瓊瑤佇報篇惟應  
張上武知我值神仙見鈿吟 按詩中題作書情無四十韻  
行路難

自許直如繩看君白如雪一朝更變不似先霧裏看花  
雲裏月夢中不悟君心異言笑依依尚相悅五更欲曙



百鳥噉玄鬢生絲淚成血念君舊恩君豈知萬物榮衰  
各有時君不見黃蜂階下收殘蕊轉眼飛鶯過別枝見  
吟集上

送葉羽遐遊天台

策杖亦何求蕭蕭作越遊雁聲千陣落仙跡幾人留積  
水藏深嶠飛梁架瀑流興亦公祈賦就金石合相侔見  
吟集  
中題作送葉羽遐遊天台雁蕩

錢頤仲夢中作謝酒詩醒時憶次聯二語戲為足

之

未得三年醉恆思百斛舟春風常遣渴秋病倩治平  
聲愁

響滴珍珠落先生琥珀浮山尊閒自引幾度到青州見  
吟集下題無錢字

贈孫子長

曾愛珠成唾偏驚玉似人廿年迴首處滄海已揚塵器  
貌清羸在風流翰札新久要如未忘盛德若為鄰見  
吟集上

薔薇

芳援長條發濃鋪一片新欺他楊柳軟妬殺牡丹春縱  
看朱塗頰其如刺滿身牆頭看自好料不為東鄰見  
吟集下



京口阻風

雲片起風色江邊又滯留潮疑驅白馬山似見黃牛  
瑟楓林晚紛紛蓼葉秋自非京口酒何以慰羈愁見集

江上贈郭四將軍

久向江南住衰毛長鬢邊絮殘經戰襖用盡賣刀錢屋  
小愁深夜霜濃病起天相逢空撫枕愁說有烽煙見集

蘭

幽谷生嘉卉無人為發揚終須因彩鳳啣取一枝香懷

夢憐方朔同心憶謝娘如何楚臣佩獬犬妬芬芳見集  
入集外詩題作蘭次高陽夫人韻

漫興

良桐高百尺生自嶧山陰鳳凰曾棲處裁為綠綺琴冷  
冷七條絲宮商變古今牙曠久不作誰當明此心寄言  
繁手客急管無後音見集上題作古意

芍藥

謝眺階前草深秋一片紅蕊黃金點點苞嫩繡重重妝  
罷愁初起歡餘睡未融畫欄人別後兩兩蝶相逢見集



靈谿師舊居有感

前山雨脚過返照入茆簷畫影風吹盡秋來葉滿龕巢  
蜂藏像腹飢鼠叫經函未是忘情者傷心更自慚見鈇集  
上題首有過字

贈友人

對景一樽酒勸君君莫辭曉風猶拂拂午日已遲遲芳  
艸初盈路繁花未著枝莫嫌春尚早似爾少年時見鈇集  
中題作早春對酒戲贈嚴武伯

美人房前花草

牆下依文石階前隔綵簾何須問長短只是鬪濃纖蝶

亂風多暴蜂輕露莫淹羅裙有幾幅繡樣更應添見鈇集  
中題作美人房前花草戲題

較符錄贈張孟恭

玉簡出真文輕身侶鶴羣齋中囚鬼物座上起風雲五  
岳敢藏藥三官應紀勳他時道成後吳猛卻師君見鈇集  
上題作贈張孟恭夾注孟恭學余符錄故有末句

書情

覆盆無路得窺天四十淹留祇自憐世味無堪真海鳥  
吟情多恨學鳴蟬追尋舊事緣貧病誤露新心會醉眠  
胸次只今何所似月高樓上有涵煙見鈇吟集中



憶亡友張子和

與君相識未盈年，蘭似芬芳金似堅。  
蠟屐慣黏三徑草，薰籠幾共一爐煙。  
春風鬧處恆忘食，東雨寒來對不眠。  
落魄至今非昔比，何人相慰涕潸然。  
見鈍吟老集外詩

無題

縷縷紗窗織月華，比中曾植最繁花。  
已憐齒弱無人忌，更得房深斷客譁。  
細翦素羅縈舞拂，亂敲長綫學琵琶。  
當時不解隨情絆，到得如今近亦遐。  
見鈍吟老人集外

當年

歷歷當年只夢知，蒹葭贈得一瓊枝。  
朱絃調緊偏醒處

香蠟珠殘未去時，自是鄒陽鏡入骨。  
枉教潘岳鬢生絲，花衣粉項東廂下。  
一一成行更後期為誰見鈍吟集下

和錢耐翁次韻

詩家禁齋有誰嘗，曾為成章許我狂。  
草長陳根山自碧，禽嗥宰木梓空長。  
東門有恨還無嗣，北海何人為立鄉。  
最是鴛鴦筋力盡，幾回驤首憶孫陽。  
見鈍吟集中題作和錢耐翁次韻

錢頤仲繼和夕公追詠昔遊為代敘其意

曾向金閣駐綵舟，蒹葭花冷露悠悠。  
紫莖氣烈香盈把，角枕雲頰綠滿頭。  
玉骨夜寒眠未熟，凝魂風曉醒難留。



東坡宿州生平恨憑仗羸形且減愁見鈍吟老人集外  
詩題作錢夕公追  
咏昔遊頤仲繼和余代其意重成一章

再用前韻贈頤仲

畫橈花慢鄂君舟水滿西江去路悠箋粉雪輕題別恨  
錦花紅鬪笑纏頭玉曾毀櫝誰能惜蘭為當門更不留  
惟志有阿連知此意夜深閒說使人愁見鈍吟老人集外  
詩題作再次韻戲  
贈頤仲

葉羽遐見過有偕隱之約

天地大文不可舒誰能見之山隱居丹臺秘奧既留子  
石洞幽深擬結廬必就孫登聞妙響懸知叔夜識靈書

扁舟他日與君去明月灣頭共釣魚見鈍吟老人集外  
詩題作葉羽遐見  
過期為洞庭之遊

柳絮

吐雲飛漠漠弄雪舞傴僂長日百花盡塘邊蓋綠莎沾  
泥應自分入水又如何誰見鵝毛下悲吟庾信歌見鈍  
吟老人集外詩

聽鸛

何處聽嚶嚶東風滿落英帶飛如欲斷亂轉豈無情得  
意當三月鶯眠犯五更喬柯春日美應念谷中鳴見鈍  
吟老人集外詩  
上題作聽鸛和朱長孺



豔體六首

艸枯花盡逼殘冬分飛霞愁擁薰爐四體慵雲書疊香箋從卷襞徒  
 繡拋雲帖任蒙茸韓生已見魂成蝶雄女虛教態似龍  
 長夜不眠思往事玉花雙墮淚溶溶  
 新緣厄重學清齋蕭索空房鬱悶壞已作長捐悲鳳扇  
 不曾雙宿愧鸞釵漢珠拋去難同月楚珮燒來不及柴  
 何事新年花勝上宜春還帶小金牌  
 三重阿閣鳳凰巢茸用芳蘭藉用茅椒壁紅泥香自起  
 畫榻花威錦相包水紋光透真珠冷山字款多玉枕均  
 方朔自矜來往熟碧桃花下有誰嘲

班扇空捐每見凌清心常比玉壺冰名花正好逢曉鴉  
 虹壁生瑕為點蠅休弄歌聲尋笑侶祇持經偈伴尼僧  
 渡頭桃葉雙來棹試問前期定未曾  
 玉洞重門怕上關去年消息到蓬山鳩媒得路休辭拙  
 才子成仙不道頑月上彩雲還自墮蘭當朱戶不教刪  
 千年一夜無長短氣序誰將鳳曆頒

當年秋夜對新蟾最愛斜風側帽簷蝶採國香花自秀  
 蜂嘗蜜味偏甜可憐霜氣交華葦不覺風聲透錦簾季

主莫談龜策妙他生緣會恐難占  
作敘舊次韻和錢夕公四首  
題作敘舊次友人韻新緣一首見鈔吟老人集外詩



題作次韻和夕公豔體

醉吟二首

半生牢落只吟詩  
浣盡窮愁酒一危  
世事如鳩漸鵲巧  
身名似蝶冒蛛絲  
丹心自苦空懸日  
白髮容人更幾時  
倚伏到頭須自省  
不應天網亦留私

天幕恢恢絕四鄰  
陳平甕牖怨長貧  
自從豺虎乘時運  
便有狐狸托鬼神  
城郭依然千歲古  
衣冠爭奈一番新  
丹山何處容威鳳  
祇抱肌腸泥碧雲  
醉吟次陳在茲韻

二首

早春偶題

膩粉妖香一番新  
庭前蹊畔見精神  
後先開落原由種  
紅白紛張盡屬春  
醉露東家驚豔笑  
倚風西子帶微顰  
王孫莫惜頻頻賞  
須怕吹來散作鱗  
詩見鈍吟老人集外

錢耐翁五十初度

相看不厭海樽香  
笑口頻開月幾場  
彭祖千年方是壽  
侏儒一節漫爭長  
廢興閱世應難問  
富貴酬身不易償  
蘭玉滿庭方五十  
好披班綵悅高堂  
見鈍吟集中題作  
錢耐翁五十初度  
成詠不勝斐然輒繼蕪陋次韻

不得梯  
失路无媒進退難  
每逢知己即長歎  
窮如海鳥愁過魯  
冷似蝦蟆怕屬官  
破甑轉頭成蝶夢  
直鈎多事守魚灘



半生筆硯漸朱紫是渾似朝飢待一餐詩見鈍吟老人集外題作訓友人韻

有懷

牢落心情只獨知知黃鶯空好見知春遲愁人莫更尋萱草

夢女原來是玉芝知好把素書題別恨休於新賦有微辭

章臺漫悅桑中客見不見蘭房橫見自私見鈍吟集下

知己詔獄有詩見及答之

手栽桃李盡成陰未荆棘無端卻滿林倚伏莫知元化意

滄桑不及世人心孤衷忽忽空長叫千里悠悠寄遠吟

華蓋可憐當狹路未未知何處要盧諶見鈍吟集下題作知己以飛謗逮詔

獄有詩見及答之

毛子晉初度

餘英谿畔省當年終膏火中宵共一編日月過頭君似長

雪霜黏鬢我慚先生仲雍山下侵窗艸尚父湖邊撲棹煙

兩地景光无遠近無遙傾尊酒祝華顛見鈍吟集中題作毛子晉五十寄賀

蠟梅

蠟透膏凝朶朶新梅前菊後見精神不調傳說和羹鼎

自報周王建子春午夢未成香更烈小窗叢發影偏親

當心一點真堪惜似把濃檀注絳唇見鈍吟老人集外

睡燕

漠漠殘花點點泥雙棲無語繡簾低驚魂夜月隨烏繞



穩夢春歸任鳩曉塵動歌梁應未覺雲生巫嶺不教迷  
誰看柳陌曾飛處亂絮從風日向西見鈍吟集上

張宗之納姬

繁花一樹照香闈合西錦屏圖月映湘簾玳瑁稀秦女扇邊開粉面  
丁娘燭下解羅衣仙家人間綵鳳難孤宿須雙舞仙處青鸞亦竝飛  
聞道交梨欲成長休將黃赤泥安妃見鈍吟集中題作張宗之新有所納  
戲贈詩末夾注宗之與余同師學道

落花二首

雨送風飄又一春幾家曾為牡丹貧年光有限原無主  
天道无情太不仁柳絮雪嬌隋苑樹芙蓉紅待洛川神

王孫莫恨穠華去屋裏如花自有人見鈍吟老人集外

一番風罷暖來時百舌聲銷燕挾兒盡翦名花應有意  
偏容蔓艸豈無私佳人不折剛留得錦幕難遮亦強施  
重到河陽問潘岳年才三十鬢如絲見鈍吟集上

舊事

和塵帶酒逐行車晚日山頭樹影斜曾為紅妝輕蓋  
閑尋豔曲笑梅花驚嗟夜雨思秋月棄置朝雲為晚霞  
新有詩情吟不盡迎頭一首咏繁華詩見鈍吟老人集外

次韻夕公贈源和尚二首

自識吾師二十年塵中物外總相憐詩章合道無過達



瓶鉢隨時便是禪香積飯來寧有盡威音臘古更誰前  
莫輕一食為恆事好與他生作宿緣見鈇吟集中題作東塔寺訪源公同  
過錢履之幽吉堂午齋次履之韻

論詩講義過年年故紙辛勤最白髮蒙頭自可憐不是高人為解縛  
爭教外學不妨禪總盡驅塵累離心地任放煙花著眼前  
一笑倘然何時容我醉虎谿休忘舊因緣見鈇吟集中題作重疊前  
韻示源公

咏蟬

一從玄露下青冥嘒嘒高枝鎮不平美女鬢輕憐兩翅  
侍中冠好稱長纓偏教絡緯能相續祇怕蜩蟬解隱形

聞道齊王最多恨為誰還作舊時聲見鈇吟集中題作

書懷卧病中作

天傾西北地東虧倚伏紛紛不用悲怒虎不能漸好弟  
麒麟應合賞佳兒可憐身事隨年到自是清羸與痛期  
白髮蕭蕭吾已老欲將末契托君知新詩題鈇吟次韻和錢外  
求赤卧病書懷

入春

雪絮紛紛又入春藏房長袂正留賓異春焦盡怕侵晨黃金未取文君酒  
羅襪從沾洛女塵青鳥碧玉殷勤收錦字烏龍安穩卧花茵  
東風若解憐張緒且放青青一樹新見鈇吟集中題作



踏雪愆期

何事無情阻共歡可憐勝處滿林巒花催謝女吟風絮  
雀憶堯年拂羽翰錦袖香寒添麝餅剝袍人醉泥雕鞍  
重重碧瓦猶如玉應待明宵月裏看錢見 鈇吟集下題作  
文踏雪之期詩寄同遊諸公因次來韻

亡友題唐文粹

神清衛玠若為儔曾駕羊車入市遊夢裏幾年迷玉貌  
窗前今日見銀鈎柳家新樣偏道異唐代遺文舊校讐  
末契托君君早逝平 半生心抱漫幽幽詩見 鈇吟於友人集外  
中見唐文粹是亡友題籤慨然有作

送家兄入閩

嶺外土風君未見每逢南客話來真野 姆風吹霧常多雨  
谷草開花不按春番舶高檣臨海市粵巫簫鼓祭蠻神  
長年瘴裏須將息莫厭夷歌送酒頻見鈇吟集上題入閩

戲贈友人

阿侯居處玉為堂誰弄朱絲奏鳳凰夜色帶煙初上鎖  
月痕如畫更登牆見 錦帷香斷孤蹤在錦字書頻雁足忙  
莫遣鄒陽知好色一香 不禁消渴媿遊梁見鈇吟集中題無戲

代友人茸城詩

文梓雙棲鴛與鴛金籠深閉羽毛香可憐漢渚虛投珮



合笑東鄰漫隔墻月照綺羅看玉樹風和絲管合金堂  
新詩聞說多佳句應道楊花撲武昌代見友吟集上題作  
茸城詩

眉

得似春山好春煙爾許濃四方雖半額總不及城中見  
吟老人集外詩題作畫眉

篆印作二癡字

半世從人笑新來自說癡煩君題玉筋珍重莫相疑  
吟集中題作錢頤仲為余篆印作二癡字兼贈詩句次  
和

春日憶玉生

燕語舊相識花飛新別離一春襟抱在不得故人知  
吟集下

有歎

來時堂下坐送不過門樞莫愛雙明珮羅敷自有夫  
吟集上題作題美人壁

贈友人

金絲盤小鳳鈿朶感濃雲不應持換酒為是與文君

留別徐姬

窗移三面月屏隔一邊風半夜宿醒在相偎似夢中  
吟集上題作贈徐娘二首此係第二首

此詩未見



風人體三首

擬繡田田葉尋絲底為荷城頭無雀網自是久樓羅見鈇  
吟集上題作風人體二首此係第一首

客夢山川阻遙遙有斷魂雪殘看馬埒濕處著曉痕  
夾池樓白鳥相望兩邊關半夜尋跳脫誰能暗覓環  
吟集上風人體二首之二

無題

纖手撩雲髮衫輕玉釧寒梁家新樣髻轉側鏡中看見鈇  
吟集中題作和友無題

絕句

炎風四月起黃埃滿架薔薇一夜開好是杏梁雙海燕  
幾回飛去又飛來見鈇吟老人集外詩

犀簪

玲瓏八寸黃金色倒插斜纏一握絲何處仙郎最相憶  
睡濃拋向枕函時見鈇吟老人集外詩題作犀簪和戴

悵望

不知何處碧田田煙隔高樓月隔煙更仗迴風寄消息  
狂吹亂送向誰邊見鈇吟集中

樓中美人笑余敝衣

齟齬休矜笑態新襟前猶是畫梁塵平原當日渾閒事



不及連身乞與人

見鈍吟老人集外詩題作衣散為樓上佳人所笑

無題

粉色初成綠未芽  
有時偷笑出輕紗  
玉蘭翠幙緣何事  
卻憶狂蜂不護花

見鈍吟集上

讀佳人舊句

擬托微波又自休  
水牕鸞鏡看梳頭  
阿誰偏得瑤華贈  
兩槩風輕自載愁

見鈍吟集中題作舟中見

偶感

一抹煙嵐曲徑微  
澗花春浪濕羅衣  
芳條盡被傍人折  
偏自劉郎白手歸

見鈍吟老人集外詩

紀事

二寸娟娟抵萬金  
斜光掠處媚霞侵  
橫波便是秦臺鏡  
盡見蕭郎不語心

見鈍吟集上題作為友人紀事有序

天旱聞歌

朱絃風脆清疑玉  
畫鼓聲乾噪似雷  
裂石焦金渾不管  
綺筵惟要月光來

見鈍吟集下題作六月不雨至七月

追和羽仙

虎丘明月自年年  
誰把歡聲送酒船  
應是名花容易落  
非關風露不相憐

見鈍吟集下

嘲吳妓

友人以潘衛之妾出入里巷偏逢  
麗者愛其橫波相視未言忽聞  
語同行云是郎賞我美盼者  
戲成二韻



歌舞吳宮自舊傳，館娃遺跡已翛然。不愁繁盛無西子，  
但問從今得幾年。見鈍吟集中下題作見吳妓慨然夾注  
花繞閭門千樹新，可憐風物逐行塵。吳兒莫漫誇佳麗，  
一个西施是越人。見鈍吟集中題作贈妓夾注是杭人

### 答錢頤仲

露寒風重夜悠悠，珍重姮娥到樹頭。莫向窗中窺衛玠，  
綺羅輕弱不禁秋。見鈍吟集中題作答友人

### 戲友人

潘岳多愁無是處，誰將芳耐慰淒淒。青禽來往春宵促，  
莫遣臨期醉似泥。見鈍吟集中題作戲贈頤仲

### 衰花

來去看花總斷腸，鶯啼聲裏損年光。不愁不笑渾無緒，  
寒露滿枝零落香。見鈍吟集中下題作咏衰花有所况

### 七月梨花

碎玉成堆不見瑕，始知桃杏燠如霞。天公織女渾無恙，  
自是金風愛白花。見鈍吟集中

### 送玉生

萬里風波去住人，不禁雙淚溼緇塵。若過庾信臨江宅，  
莫泥東墻學舊鄰。見鈍吟集中題作送友人入蜀

### 登樓有懷羽仙



樂事拋人容鬢改高樓空在管絃無花梁風到疑塵墮  
慚愧徐妃一串珠見鈍吟集中

吐綬鳥

臨風向日自矜看若若胸前錦一團試向丹山朝鳳鳥  
不知階品是何官見鈍吟集上

頤仲眼疾

顧盼分明角尾長曾將點漆比清揚春風正作看花約  
飛白何堪拂電光韻之鈍吟集中題作錢頤仲眼疾二韻

贈答

自是情多易得愁幾曾清淺隔河流薔薇援裏朱欄畔

記得看人笑轉頭

閒人無事亦生愁石自纍纍水自流何計得成莊叟蝶  
隨風飛落玉釵頭見鈍吟集中題作見贈答者次其韻

採蓮

薰風物色到池塘競榜輕舟逐晚涼一朵波中紅徹底  
碧玻璃內見新妝見鈍吟老人集外詩

贈夕公

往事分明劫火燃不堪風雨又新年知君乍醒西堂夢  
還對池塘哭阿連見鈍吟集上題首有錢字

有感



處世無機足自傷每偶來閒處細思量暗秦龍馴虎由常事  
惟有人心不易防見鈍吟老人集外詩

答友人

蝶飛鶯轉莫逡巡是早起改作蕭郎恨過春月上香清簾  
外立當時脈脈為何人見鈍吟集中詩未夾注原詩云攏外有  
光新月上簾中無語異香清

和梅花

桃李妖穠無品格早梅清冷是仙才何由得入羅浮夢  
為遣青禽寄信來見鈍吟老人集外詩題無和字

美人

高樓極目凍雲新梅壓盡春風陌上塵如比絮比鹽俱未得

知君須用洛川神見鈍吟集上題作次韻王娘咏春雪

黃薔薇

濃姿洗盡著微黃出狂蔓交加半出墻半好似當時窺宋玉  
不施朱粉汚容光見鈍吟老人集外詩

道院烏

散似飛灰聚作團見凌晨啞啞滿荒壇金丸年少閒看過  
道是神烏不敢彈見鈍吟集下題作道館烏

少年

象弭橫梢赭白驕角路塵風起麝蘭飄頻頻回跋黃金勒  
貪看簾中一尺腰見鈍吟集上



席上有贈

清絃緊促豔歌新似如柳佳人踏繡錦茵雖是一身居客右  
可能偏惹畫梁塵見鈍吟集上題作伎席有贈

薔薇

得人憎處是薔薇綠絲帶纖鉤愛惹衣誰向美人簾外種  
青禽來往不通飛見鈍吟集下題作答友人薔薇絕句

立春

梅花拂拂麥柳毵毵半夜春來睡覺酣曾向羅敷窗下坐  
最思朝日到東南韻見鈍吟集中題作立春日次錢遵王

有贈

陳王詞賦漫悲傷金枕眠詩夜正長一尺雲鬟三寸屐  
不堪間處暗思量見鈍吟集上題作無題

梅花

長廊盡處是東牆柳絮風中見謝娘今日不堪簾外樹  
一枝紅粉弄殘陽和見鈍吟集上

無題

依約桃源怯問津深沈魚鑰鎖重門暗隨柳絮歸來路  
點點飛鴉又日昏見鈍吟老人集外詩題作和友人無

示意

一叢香粉簇人紅移住牆西宋玉東耍蝶狂蜂無路近



常教開落伴春風 見鈍吟老人集外詩

多事

當年多事入春叢攪攪花枝旋旋風末世人情容易老  
只今二十欲成翁 見鈍吟老人集外詩

絕句

江南處處水如油日夜如雷似我愁一陣楊花無覓處  
波中點點作萍流 見鈍吟集下

喜友見過

暗室生光不自知今朝真个見凝脂魏珠荆玉難相並  
休把形骸擬近伊 過見鈍吟老人集外詩題作喜友人見

答友人

紛紛過眼盡成煙漫把書筒自質 試讀趙家金石錄  
爭如良友得相傳

陶令飢來常乞食袁安遇凍只高眠衰羸羞道前人事  
自為忘憂假十年 見鈍吟集下題見作簡錢頤仲

當時

當時雲雨暗中來怯不當風避滑苔今日細思如好夢  
酌量初欲勝陽臺 見鈍吟老人集外詩

畫屏二首

好似曾經夢裏來紛紛相映更相偎閒看盡日成惆悵



常疑去聲嬌波不肯迴

脉脉盈盈滿畫堂  
纖膏一尺與誰量  
翠衣金尾虛矜妒  
長疊交關不遣張

美人手中

龍腦薰多入縷香  
輕雲一葉照人涼  
階前暗墮誰收得  
認取宵來粉汗光  
見鈍吟集中

過友人居

為愛春山此兩眉幾教唐勒妒  
微辭小樓芳援重來後  
便是長埋玉樹時  
見鈍吟集上題作過頤仲所居

戲贈友人

睡鴨香煙改作銷翠帳春等閒  
金齒印香塵相如漫作遊  
梁賦不識山隅避溺人  
見鈍吟集下題作贈友

無題一題舉劔

浪事自被雕蟲累改作此身古來下氣盡成常  
塵無端去學猿公術又恨猿公敵一人  
見鈍吟集下題

雞冠

露洗風吹赤玉寒  
當庭拗頸錦毛攢  
不知誰與安名字  
何不呼伊作鳳冠  
見鈍吟集上

有餉美醞者主人潛易濁醪

連飲杯中物朱顏未覺配  
君憐臆腹小特遣飲黃河  
見鈍



答友人

乘月間相過涓涓露濕衣行來興已盡莫訝到門

歸  
鈍見

壁上美人

楚巷同居已有年幾只堪相憶不堪憐客星自得靈槎便

一任風波直上天

見鈍吟集上題作友人壁上美人貌似桂子慨然題之

山寺遲友人不至

雙聲

高閣架迴澗綠蘿籠林巒晏煙影依隱寂坐愁自攢見馮

氏小集上

丙辰春沈念松篋中攜有鈍吟詩集鈔本較原集僅  
十之二三下卷題曰再生集刊本中茲無此名此本  
集外詩居多其中點竄處悉未塗抹為舊鈔本無疑  
聞虹隱姪初我等將重刊全集因於課餘錄副異日  
全集出版當勘定之 鳳書誌于二校校舍之北牖  
下



再生集

馮班定遠著

再生稿者馮子自集其近歲之作也馮子行年四十有二而遇亂一遭其仇再遇兵一遇盜瀕死者四焉故題曰再生也如馮子之遇而不死豈非天乎雖然又有人事焉兵興以來馮子之交遊先後物故蓋僅有存者馮子以愚不任事故獨无恙庶幾莊生所謂不才全其天年者邪馮子之文危苦悲哀無所不盡而不肯正言世事每自言曰詩人之詞欲得言者無罪聞者足戒耳善于刺時者宜有文字之禍焉少年或譏其無益教化亦



弗顧也嗚呼使萬世之下有讀馮子之文論其世而知  
其心者馮子死且不朽矣馮二癡自序時年四十有五

江南曲

春風一夜吹江色千里細煙生亂碧艸芽纖刺滿口口  
古石苔荒江令宅年光歲歲常如此千燒萬戰臺城圮  
螭尾塵埋繡閣平張口口口二周死石頭城下水悠悠  
暗數興亡得幾籌山川不改繁華在兩槩依然迎莫愁  
見鈍吟集上

陽春曲

銀鈎綵絡雙鸞鬪錦痕花簇穠紅皺杏梁燕語莫愁眠

絲絲月影重殘晝溫家玉臺七出花飛龍漆背雙盤擎  
水翦纖眸清月曙一指如葱扶曉鴉城南陌上桑芽綠  
雲絮煙絲交促速長筵油壁金口口不相迎更上牆頭  
看窺改作宋玉見鈍吟集上

送春詞

暖風吹日琉璃光纖蛾縈夢蘭被香錦鯨掉尾波靨靨  
翠鈿細點鋪池塘赭汗驕行金勒輕紈夾鏡棠梨色  
西陵花茂松刺新塵撲油車歸路直紅鉛欲墜春煙動  
有淚無言暗相送高堂歌徹綺筵開口口自覺羅衫重  
腰帶圍寬珠續續年年祇恨芳華簇義和西轡為誰遲



繞枝空有胡蜂哭

憶春詞

晚風撼羅窗濃霜封碧瓦樓中淡日紅亭亭琤琮細玉  
鳴簷馬花奩突金古漆光口脂凍滑珊瑚香低鬟壓領  
朝妝懶試倚朱欄欲斷腸愁雲塞路關河杳冰痕合處  
無青草青皇消息隔嚴寒小院苔荒人自老見鈍吟集  
中題作樓

中憶春詞

冬白苧歌

吳兒種苧青簇簇吳女機聲鳴續續綠波洗出白如銀  
擬進華堂充暑服豪家事為歡別愛向冬天學迴雪

巧裁元影帖嫦娥編帶素霓前後結低腰一轉撒鹽飛  
簇速梨花映繁節燭淚堆盤方夜飲熊禱象牀間不寢  
舞衫纖薄祇如煙白苧此時勝重錦見鈍吟集中

十二月樂詞

勾芒驅暖土膏醉衝雪排冰作新歲煙溼枯香冉冉苔  
嚶嚶反舌驚花睡楚山雲疊畫屏風曉妝呵鏡臙脂紅  
草芽露淺金車重赭黃色淡秦樓東正月

城南淺草金丸落金距斑衣鳴角角融融日影亂塵生  
錦障花鮮羅扇薄東家笑罷春愁亂柳花拂面登牆看  
斑駁杳杳陸郎來火浣單衫承赭汗三月



鯉魚風來涼灑灑臺榭參差樹高下綠帶織鈎猩色花  
錦紋狼藉吹鴛瓦黛滅蘭銷曲房曲鳳紗紕軟腰如束  
南塘田葉未勝菜塘邊嫩粉抽青玉四月

越葛弱于羅白苧輕如雪佳人蘭浴罷嬌歌踏繁節美  
蔭對高堂磊落桃初結園葵垂葉底芳根當花一點濃  
于血五月

曉霞暮霞光若火繁星不動雲朵朵簞花紅汗隱豐肌  
輕縠無波便門鎖重壁連天花百尺玉梁歌動高雲直  
酒濃玉醉日未傾素纒金瓶弄寒色六月

破玉斜紅爭草草徐娘粉薄愁花老誰將小月補殘年

剽暑餘寒波浩浩道傍青草怨香輪窮冬欲盡春來早  
閏月見鈍吟老人集外詩

### 猛虎行

雨霏霏風微微張鬼唬猛虎飢山家苦竹圍茆屋煙中  
遙見尾曲錄夜聞前村失黃犢村落泥深印虎足天胡  
恩此物而俾之食肉莫教泰山之下婦人哭見鈍吟集

### 射虎行

援臂李將軍六十未封侯來往霸亭路夜獵陰風愁南  
山猛虎下擇食將軍勇氣貫山石弦如霹靂馬如雷白  
羽參差大筈直州中明滅見眼光五步之內逢獸王麗



龜一箭已飲羽下視卻見斑文傷將軍才氣誰堪比  
桃李芳名滿人耳寢虎皮兮食虎肉卻鑄赤銅為虎子  
每念將軍射虎時李蔡庸庸何足齒見鈍吟集上

祭許仲玉文

名琰吳人甲申殉難

赫赫吾聖祖盛業比殷商

見御製皇陵碑

典則詒子孫明明宜

辟王太平三百年晃朗萬里光海宇日清宴四夷盡披

攘戈鋌一倒載壽域但農桑豈虞大厦故蠹蝕潛棟梁

拉羅勢欲傾截業不可撐

叶孤天星天

不肯射天狼

太白怒燁燁白晝垂精芒東南困徵求西北血滂滂楚

豫擾鋤挺黃巾姿動勦崇禎聖天子抱蜀坐明堂御服

躬浣濯殿帷集書囊環瑟屢更調用賢亦無妨岳不降

申甫傳說星空明

叶

覆水不逐器瀉地隨圓方麒麟局

角定左右吹豺狼鷓鴣毛翦劣環飛噪鳳凰天地自不

仁倚伏多難詳共工折不周崩墜相填傷長人灼巨鰲

仙聖失其鄉東海蟻蟲儒足不識帝疆

京改作

叩心望北

闕惟見天蒼蒼平生事締素史書胸中藏豈止識仁義

兼亦飽興亡一治又一亂可以恆度量堯舜稱巍巍桀

紂自披猖中葉有厄會不待歷數喪或由好犬馬亦聞

雕宮牆婉婉女謁盛喋喋讒夫昌有窮縱矢鏑滅德因

太康汾王威宗周哲婦恨舌長虎吻憑外戚燎火光不



揚南風吹胡沙一龍來渡江當殿聽得寶要君上太行  
誣道恣淫侈側身隨犬羊焦勞十七載此事果何改作  
不當不榮榮抱孤德庸庸臣隳紀綱百度一改作廢墜四維  
死不張自古興廢間莫不有賢良胡獨俾吾君夙夜獨  
俵俵書箋欲問天血肉不飛翔悲來顧四壁冤毒心胸  
崩叶叩門誰傳書啟讀口頰芳許琰吳宿儒四十未知  
名叶聞難不食死飛魂追吾皇吾聞輦轂下從逆公與  
卿叶改作九碧血棄不收莽服誇輝煌偷生綬若若失  
脚改作走踉踉遐遠一布衣忠志不可僵求仁而得仁  
茲道久已荒許生魂歸來慎毋下茫茫吾請從子遊飛

強韻複刻本作秦興

小序  
余讀長慶集愛其次韻酬答元集  
卷樂天代書詩惟得廿五韻自後  
盡連求之不得聊補其文願效元  
語與少年兄弟爭為戲近日學余  
為詩者頗識余多二韻詩以為  
不能大篇今此誠未得與元並  
驅視少年所為當庶幾也

神騎日傍九關排虎豹帝前剖肝腸一奏吾君聖明德  
未可忘二言寇淫毒赤子遭奇殃三言亂兵暴平地生  
痂瘡荏蒲何時滅朔方何當強昔者大帝醉金冊賜秦  
強今者豈帝飲援斗酌酒漿賊星與旄頭故樂天夢夢  
叶許生定何從吾魂已傍徨苟能偕子遊無所用巫陽  
屈原呵壁書泠泠光沅湘酌水獻茲文願子來斯享見  
吟老人集外詩題作甲申聞報兼祭長洲許琰

戲補元微之和白樂天代書詩百韻

刻本至移字俱缺但注云云  
二字

羈

司

卑

知



規

持

陂

詩

為

逵

奇

枝

德

帷

期

師

綦

絲

逸

姬

眉

施

嬉

移籌繁

巡更數令促醉來遺急雨催狂點傾河注酒卮燭紅花  
 燁燁月冷夜遲遲新客分車逐妖姬借馬騎墮釵從胃  
 掛酒袂任欵垂衝席頻號竇遮逃遣塞岐飲徒難隔闕  
 壘具漫追隨每恨嚴更促常將小戶推幸無妨士行豈  
 解重官資  
 宜學心知愛日狂態  
 惜卑時羽翼須鵬擊文章亦豹窺何辭長感感祇自日  
 孜孜拭土光埋劍開囊處露錐箭飛堪破葉鈎直漫依  
 坻析理搞精論批鱗尚切詞裁輪方合軌覆篲乍成基  
 自許三冬足何曾十上疲先鳴初破羽一戰已搴旗晁  
 董難傳對公孫冠等衰夔龍爭注挹鴟鷺鬱離改作披



致命供驅策，傾身受繫縻。聯飛方共翼，散足條分馳。漢  
殿通金籍，秦宮立玉墀。鈞陳龍區匣班列雁，參差簪筆  
當螭首，披流見日姿。天儀凝肅穆，袞服耀威蕤。虎衛森  
霜雪，雞人唱嗷咿。鞠躬當要職，直道作男兒。指佞寧持  
祿，摧奸敢顧私。祗知驅鳥雀，不暇問狐狸。槐棘應無援，  
椒蘭自見欺。微才甘重謫，時政歎無毗。從古皆遭此，非  
余獨遇茲。尚能矜道在，未解悔言危。履尾誠蒙險，騰辭  
莫抵巇。良金燒易鑠，白璧剖還疑。直木宜先伐，孤松冷  
受瘴。疵辛酸隨木梗，憔悴泣江灘。魏闕魂常繞，朋僚恨  
不改。作姜洛東歸，未幾南涿勢難支。玄髮因愁改，豐肌  
受瘴疵。辛酸隨木梗，憔悴泣江灘。魏闕魂常繞，朋僚恨

久辭情懷真，去魯事意比。居夷感地青，雲路呵天畫。壁  
祠無心邀，鄭珮有淚迸。羊碑埋沒三閭跡，荒涼七澤湄。  
江煙昏樹木，水鳥宿城埤。遠夢宵淒切，鄉思旦漫彌。果  
盤皆橘柚，漁戶仰鸕鷀。歧首多潛穴，偏躑怕扶籬。葺荷  
成楚製，飲露待朝炊。蛙絜羞投足，鮒枯自曝髻。卜鷺寧  
可信，賦鵬漫經思。蓼苦應難習，蠶寒自欲吹。溼多恆足  
腫，瘡苦漸腰羸。海錯時調鼎，官酷慣吸醅。招魂悲宋玉，  
操樂乏鍾儀。撫樹才漸櫟，窺園智謝葵。食思河鯉美，衣  
惜洛塵緇。數肋非江鱉，刻腸畏海龜。卜居尋鄭尹，愁病  
覓盧醫。吾道應窮矣，君心豈憶斯。舊恩同皎日，良信枉



天涯坐卧充懷袖悲歡隔履綦瑰奇連寶玉芬馥勝蘭  
芝感昔尋歡洽傷今念別離參商喻遠遠日月感傾虧  
業被青蠅點何勞駟馬追蘭情知未改玉色任伊衰雨  
露誠非冀冰霜欲似誰芳英餐菊蕊山鬼駕辛夷引分  
甘低首灰心罷朵頤自然遷客苦不為長年悲籠鳥方  
垂翮綠鷹自恨飢前途殊未極日暮欲何之見鈍吟老  
人集外詩

落梅

歲前偏耐雪此日不禁風烏動一枝散蜂來全樹空未  
應妨李白祇是避桃紅醉月香階上微霜碧瓦中笛聲  
尋舊曲妝樣自深宮惆悵鶯曉處殘鬢正滿叢見鈍吟  
集中題

有夾注者題體三字

春寒花較遲

花前疑臘在迢遞失春期日淡雪晴後露清風曉時試  
香初數朵斂態不盈枝凝<sup>粉</sup>臉難成笑膏唇未吐辭鶯曉  
如有待蝶舞似相思拂鏡朝妝冷空憐鬢影垂改作翦  
綵龍刀  
澁窗中出手遲 見鈍吟集上題有夾注押遲字三字

感興

長星輓天度海水又羣飛城郭昔空在河山今已非徒  
盡醉周顛寧知哭蔡威新來建業水真作首陽薇見鈍  
吟集  
中題作金陵贈北客止有非薇二韻

亂後送友避地



樽酒傾未盡征車發又遲可憐從此去便是憶君時  
燐火宵行怯蒼煙曉望疑詩書已無用何處覓新知  
見鈔  
中題作兵後送友人避地

故人墓下作

一朝世事已蜉蟻坐相親馬鬣空山下誰憐長夜人  
霜摧懸劍樹風掃素車塵惟留阿鵲嫁辭哭有餘辛  
見鈔  
中

元旦

曉起看日色心知歲已遷一杯藍尾酒聊自賀新年  
枯艸此時綠白頭何日玄景光應自惜努力及春天  
見鈔

中題作丁亥元旦

有感

漢帝邯鄲道曹公銅雀臺已知身是土未信劫為灰  
白日當秋薄松門向晚開千年華表在誰見鶴歸來  
見鈔  
中題作故陵

題友人書堂

一室生虛白依窗見夕陽三經無長席雙膝隱匡牀  
泉響茶鐺浪芸寒蠹帙香相看雨無語蕉影到簾長  
見鈔  
上題作題友人壁

旅次



投足竟何所此中來往頻衣裝寒衣過淮薄葉禿柳隔江春店  
嫗識疲馬老鷓欺旅人更聞前路梗灑淚溼緇塵見鈇  
中

### 山寺偶題

蕪沒蒼山路兵餘廢寺多鬼神應護惜麋鹿欲如何迸  
笋穿空樹摧垣落薜蘿高人放鶴處獵客漫張羅見鈇  
上題作經廢寺

### 寒林

曲直郊原樹風中寒色來還成枝改作夸父杖總似改作  
仲文槐落葉連殘燒改作漏日高柯帖改作封破苔秋

前搖落意蕭索待陽回改作年長倍添哀 見鈇吟集

### 霜葉

青楓變霜色搖落不勝哀洛浦朝霞起秦樓曉日開林  
孤一樹迴風急半邊摧階下休頻掃偏宜點綠苔見鈇  
人集外詩

### 立春

烏曉華屋暖雀亂曉窗明睡熟貪殘夢慵多擬宿醒霜  
消看瓦潤風細愛衫輕試覓春來處橫枝見早英見鈇  
上

### 白額



白額何從來潛向山頭住山淺松柏稀止容狐與兔虎  
去山卻空樵牧心猶懼去來人不測跡滿前山路見鈇集  
上題作虞山白額歌

冬嶺秀孤松

嶺樹嚴風裏孤松色最偏露根寒抱石獨影晚生煙冰  
溜龍身坼霜封翠鬣鮮桂枝漸偃蹇蘿薜漫牽纏濃黛  
滋嵐氣悲吟和瀑泉春華雖未茂巖畔侶神仙見鈇吟  
老人集  
外詩

甲申紀事

難將威德滅氛妖鳳闕風塵直北遙紫炁既能充帝座

時四月十五夜  
紫氣充帝座

五月初三日  
長星竟天

長河何忍輾青霄也知富貴同易狗無奈衣冠作土梟  
五等將相紛紛盡旄鉞柱天誰擬樹靈鰲見鈇吟集中

酬友

亂來貧賤致身難負氣回頭自屢歎買火已燃還劇卧  
汲薪重積盡高官始知辛苦三分業不及疏狂七里灘  
何事塵中不歸去未酬桑下一壺餐見鈇吟集上題作酬  
友人

感舊

當日樓中夜未闌隔簾紅藥露團團清歌出格鯨尊滿  
醉袂沾香鳳蠟殘暗與美人收墮珥狂教坐客笑遺冠  
重來事事成陵谷一片斜陽作晚寒見鈇吟集上



追和太上人見贈

鏡裏愁看兩鬢稀絲年華相背去如飛故交別我成衰艸林  
塵土欺人滿敝衣酒病不眠終眠夜坐春風無趣一身歸  
誰憐老驥思千里世上如今只舉肥見鈍吟集中題末有  
之作次韻四字

雨春

百事無聊望眼迷輕寒長日鎮淒淒高樓霧鎖空垂幕  
金埒塵凝尚阻泥滋養刺榛榛荆充大道摧殘桃李竝芳蹊  
陽烏無力扶桑冷辛苦花冠冒曉曉見鈍吟老人集外  
詩

夏飲張氏池亭

柳困花媽艸不香池塘物色正驕陽小河河山自是難開眼

風景無端總斷腸金竿百分休訴滿瓊枝雙映欲生涼  
學他周顛騰空去一任烏樓下女牆現鈍吟集下題作  
和錢求赤季夏偕  
令弟頤仲共飲張氏池亭次韻

和夕公秋夜示頤仲

杞人秋思正憂天誰遣清光到眼前滿地亂離悲此夕  
一筵歌笑省當年龍蛇偶運難同昔蟾兔無情只似先  
才子有心應慟哭新書好著中興篇見鈍吟集下題作  
秋夜同頤仲

經瞿起周曇園

華屋重來淚暗彈桐陰滿地作秋寒殘絲風撼曉鴉樹  
積艸煙生鬪鴨欄誰泣葛衣思任昉空憐能誅有潘安



壞牆醉後曾題處遍檢蒼苔自讀看見鈍吟集上

題壁

豺虎干戈總莫憂山人無地不堪遊久憑忠信泪懸水  
自得忘機狎海鷗世事何須翫斷足眼前休羨蜃成樓  
夢中占夢少年事事往休教一物留見鈍吟集上

金陵

山川形勢畫圖開六朝勝中今日江南較可哀誰躍青驄三閣下  
曾聞白馬壽陽來兼將漫費秦王力在辱井含香恨未灰  
極目江風千里意歸魂不是怨靈懷見錢吟集中題作  
餘均異

燈花

毛晉和友人詩卷燈花云燈  
花定遠分來社題也漫成一  
首以寄  
鈍吟集上有此題似即收  
寬此稿而成已易韻矣  
見下

頻憶蘭膏人未回雙花光報吉音來風吹青瑣輕雨爆  
銀缸旋旋灰蛾影可容留豔朵雞聲何事到香臺祇應  
要得卿卿拜珍重通宵火裏開

雪中即事

郊園凍色雲垂地霰雪紛飛壓路塵一石但留佳客醉  
十千休訴主人貧當軒更覺風聲苦入夜偏宜月影新  
乘興明朝若相訪莫忘僵卧有高人見鈍吟老人集外

初冬文燕

誰許衰殘預品流彩牋佳句苦難酬山啣愛日凝寒色



籬發黃花帶晚秋金谷已傳潘岳序竹林還共阮咸遊  
年來戶小非疇昔欲醉相憑莫下籌詩見鈍吟老人集外

壬辰元旦

衡門乍啟景光新遙聽歡聲在四鄰犯曉一尊藍尾酒  
開年五十白頭人綵箋佳句心猶在陌上狂遊事已陳  
更傍茆檐負暄坐蕭蕭紅日愧長貧詩見鈍吟老人集外

贈徐姬名鳳

雙燃椽燭照窗紗初見傾城一樹花髻影綠濃遮嫩藕  
粉痕紅顫透明霞留髡石上人初醉窺宋牆邊月已斜  
錦薦羅屏蘇合暖可憐年紀正分瓜贈見鈍吟集上題作徐娘二首此係

第一首

燈花

星爆纖紅兩葉嬌一枝鮮潤發蘭膏香閨有喜深深拜  
旅舍無眠旋旋銷螢尾啣光翻覺冷蠅頭欲露改作莫  
頻挑輕煤拂落殘書卷幾向窗中伴寂寥見鈍吟集上

楊威侯廟祠 宋將劉信叔

殿堂嚴闕亂烏飛奠罷椒漿淚溼衣寶劍霜凝瓜步氣  
靈旗風掣順昌威中興得失迷陵谷南渡勳名漫是非  
江水悠悠天險在邇來戎馬正驕肥見鈍吟集上題作  
宋將劉信叔六字



七夕

佳節年年在人情事事非河梁今夜鵲底事卻南飛見  
吟集上題作七夕有寄

答友人

四海皆兄弟精何言有非類遇酒但飲之君醒我自醉見  
吟集上題作俗人怪予飲酒揉雜聊答之

客餽雙鼈為葉林宗所沒索之惟得一足

染指嘗魚鼈無餘亦可哀主人莫相戲三足始成能見

吟老人集外詩題作客以雙鼈相餽無葉字

金陵

中原武騎謾千羣南北天教自此分豈是子桓英畧少  
祇看江水歎浮雲見鈍吟集上

紫媛自北還吳

戎衣小袖慣傴僂自得琵琶一曲歌為說北來辛苦事  
馬通燃火照縫靴見鈍吟集上

越鳥

無聊自撚髻邊絲日照殘春午景遲每對茆簷慚越鳥  
為伊情性戀南枝見鈍吟集上

美人拜月

風動裙裾拜起遲階前如倦又如疑星星自向團圓語



除卻姮娥不得知見鈍吟老人集外詩

戲贈

叢髻濃蛾夢裏仙柳絲門巷酒壚邊路傍爭愛千金笑  
薄怒原來最值錢見鈍吟集上

規友

八月靈槎來往路深深圓折有明珠濁波無底驪龍惡  
為問仙郎盜得無見馮氏小集上題作贈友人

有感

禾黍離離天闕高空城寂寞見迴潮當時最憶姚斯道  
曾對江山咏六朝見鈍吟集上

見懷舊集陶世濟小傳陶有各詩並作探

重過錢氏幽吉堂

叢花亂艸小闌干幾度搜尋淚暗彈玉樹土中銷鑠盡  
總惟清冷泣孤鸞見鈍吟集下題作存沒

乙丑元旦

寒盡春生又一年人間萬事轉紛然五更不寐聽雞坐  
莫似劉琨擬著鞭見鈍吟集下題作和友人己丑元旦

燕

花覆春泥著雨香雙雙弄影日初長殷勤更向窗前語  
似與盧姬借杏梁  
斜盼珠簾欲進難迴身卻立小闌干美人爭泥韓公子



笑奪金丸不許彈

解舞身材解語聲伯勞相背兩輕盈將軍莫愛封侯相

正待金門甲第成

長養嬌雛未學飛一園花竹晚低迷當時若愛吳宮住

爭向茆簷得穩棲見鈍吟集上題作燕四首

憶亡友

雨滴空階不睡時月小庭餘冷滯花枝壁人醉醒頻相喚

蘭蕙生香夜漏遲不睡時年見鈍吟集中題作夜坐忽憶玉生昔

聞琵琶

朔雪胡風陣陣來子絃攏撚有餘哀不知本領誰邊得

大似吾家繞殿雷見鈍吟集中題作途次朱方舟中聞

自疑

崩緜苔澁拙言辭每過交親卻自疑惆悵不能營馬磨

頰中藏食哺飢兒見鈍吟集中

和衲衣

鏡裏衰殘換舊身貂裘敝盡衲衣新襟前破帛君知否

猶帶歌梁一片塵見鈍吟集中題無和字

柳枝詞

姊妹相隨不肯歸晚風齊換夾羅衣爭擲玉腕垂楊下  
捉得輕綿又放飛



汴水東流欲下遲千條依舊發金絲蕭妃流落宣華死  
盡日春風為阿誰見純吟集下題作柳枝詞四首姊妹相隨係第三首汴水東流係第一首

和貞復贈祖仁

項橐曾為宣父師當今年少更誰奇英雄惟許劉玄德  
今日翻教畏獬兒見純吟老人集外詩題作和許貞服贈葉祖仁次韻

和元微之春詞

一隻嬌鶯萬樹花粉牆迴處是東家馬蹏爭踏門前路  
偏認蕭郎白鼻騮

曲池煙重碧濛濛柳拂紗窗日影紅鶯起黃鶯曉未足  
帶聲飛入亂花中見純吟集下題末有二字

楊柳枝

草長花飛發暖天後園人散罷鞦韆絲絲池上渾無力  
一隻金鷗到地懸見純吟老人集外詩題作柳枝詞二首此係第二首

刻帽短衫稱少年柳陰門巷覓神仙驕驄亂踏花街影  
不覺長條貫玉鞭見純吟集下題作柳枝詞四首此係第四首

半拂高樓半拂塵千條輕露月中新斑駁飛去行人絕  
腸斷金牀不睡人見純吟老人集外詩係柳枝詞第一首

誰識將軍蓋世才亂絲如雨壁門開霜凝組練煙中立  
萬乘旌旗按轡來見純吟集下係柳枝詞四首之第二首

飲茶



熱飲風生自覺涼碧雲香細越磁光茂陵寂寞相如病  
枉抱朝醒憶蔗漿 見鈍吟集下

懷故人

蕭索東南王氣空歸魂應自繞江楓當時錯為蒼生起  
常操焦桐怨土風 見鈍吟集上

有贈 乙酉年

隔岸吹脣日沸天羽書惟道欲投鞭八公山色還蒼翠  
虛擁羅囊憶謝玄 見鈍吟集上題無乙酉年三字

沈念松所藏舊鈔本鈍吟集與刻本編次不同題目字  
句亦多互異且次卷題曰再生集考先生再生稿序編  
入文集而其詩則散在原刻三卷中且有見集外詩及  
馮氏小集者非此本尚存則先生當日編詩之次第不  
可得見矣會燕谷主人校刻二馮集予假之念松欲附  
刊其後乃遍檢不可得幸翰青叔手鈔一本故在因取  
以傳錄每首附記刻本卷第及題目異同其字句之違  
異多不勝錄將為小牋以疏通證明之他日殺青可與  
原集各自單行俾讀者見鈍吟手定之藁本不亦善歟  
丁卯仲春八日雨窗記虹隱居士



戊辰初夏從虹隱假錄此本與刻本對勘字句違異處鈔寫外  
誤誠不免足以校正刊誤者亦復不少惜燕谷重印時未及  
改證仍不免謬種流傳耳中有贈友人 金絲句 答友人 紛三句

畫屏 二首好似脉 俱七絕 遠春詞 暖風句 七古 燈花 頻憶句 七律 六首俱為刻本未

錄並可錄以補亡 初圖